



Broj: JN1 11-03-26-218-3/23
Sarajevo, 25.09.2023. godine

Na osnovu člana 64. stav (1) tačka b), člana 90. i člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14 i 59/22), Referata broj: JN1 11-03-26-218-2/23 od 22.09.2023. godine **d o n o s i m :**

O D L U K U
o izboru najpovoljnijeg ponuđača

I

Prihvata se ponuda ponuđača „Termalna Rivijera Ilidža“ d.o.o. – hotel Hills Sarajevo broj: 2023/1-10-269-2412 od 21.09.2023. godine za vanplansku nabavku usluge službene večere za članove delegacije Ministarstva odbrane BiH i Ministarstva odbrane Republike Hrvatske dana 27.09.2023. godine, šifra po JRJN 55320000-9 pod nazivom: Usluge posluživanja obroka, ekonomski kod 613995 za ponuđenu cijenu od 2.307,69 KM bez PDV-a, odnosno 2.700,00 KM sa PDV-om.

II

Prijedlog ugovora o nabavci izraditi će Sektor za nabavku i logistiku/Odsjek za ugovaranje, nabavku i prodaju i dostavit će se na potpis izabranom ponuđaču „Termalna Rivijera Ilidža“ d.o.o. – hotel Hills Sarajevo.

III

Procijenjena vrijednost javne nabavke iznosi 2.307,69 KM bez PDV-a, odnosno 2.700,00 KM sa PDV-om po programu „Međunarodna saradnja“.

IV

Za izvršenje ove odluke zadužuje se Sektor za međunarodnu saradnju u suradnji sa izabranim ponuđačem.

V

Novčana sredstva za plaćanje nabavke osiguravaju se iz Budžeta institucija BiH za 2023. godinu, sa ekonomskog konta broj 613995 putem Sektora za finansije i budžet.

VI

Ova odluka objavit će se na web stranici Ministarstva odbrane Bosne i Hercegovine.

VII

Ova odluka stupa na snagu danom donošenja i ista će se dostaviti svim ponuđačima u postupku javne nabavke.

O b r a z l o ž e n j e

Postupak javne nabavke pokrenut je Referatom broj: JN1 11-03-26-218-2/23 od 22.09.2023. godine. Javna nabavka je sprovedena putem direktnog sporazuma (Hitna nabavka). Procijenjena vrijednost javne nabavke je 2.307,69 KM bez PDV-a, odnosno 2.700.00 KM sa PDV-om.

Ispitivanje tržišta, pismeni zahtjev-prijedlog cijena izvršio je Sektor za međunarodnu saradnju i dostavio je predračun broj: 2023/1-10-269-2412 od 21.09.2023. godine u sklopu predmetnog Referata.

U postupku javne nabavke Sektor za međunarodnu saradnju je pravovremeno prikupio i ocjenio ponudu u kojoj je jedini ponuđač, pa samim tim i najpovoljniji „Termalna Rivijera Ilidža“ d.o.o. – hotel Hills Sarajevo.

U postupku ocjene provedenog postupka, Rukovodioc ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Sektora za međunarodnu saradnju.

Uvidom u priloženu dokumentaciju, nesporno je da je izabrani ponuđač najbolje ocjenjen na osnovu kriterija za dodjelu ugovora – najniža cijena, koju je ponudio u predračunu broj: 2023/1-10-269-2412 od 21.09.2023. godine u iznosu od 2.307,69 KM bez PDV-a, odnosno 2.700,00 KM sa PDV-om.

Iz navedenih razloga, primjenom člana 64. stav (1) tačka b), člana 90 i člana 70. stav (1), (3) i (6) odlučeno je kao u dispozitivu ove odluke.

Pouka o pravnom lijeku: Protiv ove odluke nije dozvoljena žalba.

Dostaviti:

- „Termalna rivijera“ d.o.o. – hotel Hills
E-mail: info@hotelhills.ba
- Ured za odnose sa javnošću
(objava na Web stranici),
- Sektor za finansije i budžet,
- Sektor za međunarodnu saradnju,
- a/a

MINISTAR

Zukan Helez